

**Sporazum**  
**o poslovno tehničkoj saradnji**  
**Privredne/gospodarske komore**  
**Federacije Bosne i Hercegovine**

**i**

**JU „Centar za napredne tehnologije u Sarajevu“**

**juli/ srpanj, 2020.godine**

## **SPORAZUM o poslovno-tehničkoj saradnji**

**između**

**1. JU „Centar za napredne tehnologije u Sarajevu“, Vilsonovo šetalište 9, 71 000 Sarajevo, kojeg zastupa direktor, mr. dipl.ing. Ensar Mulaosmanović**

**i**

**2. Privredna/Gospodarska komora FBiH, Branislava Đurđeva 10, 71000 Sarajevo, kojeg zastupa predsjednik Komore Mirsad Jašarspahić, dipl.ing.maš.**

**zajednički naziv: potpisnice Sporazuma.**

**Zaključen dana 21.7.2020.**

### **Član 1.**

Ovim Sporazumom JU „Centar za napredne tehnologije u Sarajevu“ i Privredna/Gospodarska komora Federacije BiH, definišu zajednički interes i izražavaju želju za uspostavljanjem naučne, tehničke i drugih oblika saradnje u oblastima djelatnosti potpisnica Sporazuma.

### **Član 2.**

Sporazum između potpisnica Sporazuma provodit će se u sljedećim oblicima:

- naučna i tehnička djelatnost u realizaciji projekata,
- učešće u realizaciji ekspertskih djelatnosti,
- razmjena naučnih, tehničkih iskustava i dostignuća,
- ostale aktivnosti od zajedničkog interesa.

### **Član 3.**

U okviru mogućnosti koje pružaju odredbe Člana 2. ovog Sporazuma, potpisnice Sporazuma će posebnim aneksom Sporazuma ugovorno definisati međusobna prava i obaveze u svakom konkretnom zajedničkom projektu.

### **Član 4.**

Dogovorenu saradnju iz ovog Sporazuma potpisnice će implementirati na sljedeći način:

1. Zajednička naučna i tehnička djelatnost će se ostvarivati realizacijom bilateralnih i multilateralnih projekata, koji podrazumijevaju učešće i drugih subjekata koje nisu potpisnice ovog Sporazuma, kako iz naše države tako i iz drugih država.

2. Potpisnice Sporazuma će omogućiti korištenje opreme drugoj potpisnici u svrhu realizacije, zajedničkih projekata, programa i drugih oblika istraživanja.

#### **Član 5.**

Svaka potpisnica Sporazuma obezbijediti će vlastite izvore finansiranja za realizaciju konkretnih oblika saradnje ili će izvor finansiranja biti obezbijeđen realizacijom zajedničkih naučnih, tehničkih i drugih projekata.

#### **Član 6.**

U slučaju dogovorenog konkretnog oblika saradnje članica potpisnica Sporazuma ugovorom će se definisati međusobna prava i obaveze potpisnica, a koji će sadržavati sljedeće:

- vrijednost ugovora, načine i izvore finansiranja,
- odgovorne nosioce realizacije ugovora i njihova ovlaštenja,
- tim istraživača i drugih saradnika uključujući i studente koji će učestvovati u realizaciji projekta,
- specifikacija i iznos troškova koje snosi svaka potpisnica Sporazuma (ugovora),
- etička i materijalna prava koja proizilaze iz postignutih rezultata,
- način publikovanja rezultata
- način rešavanja eventualnih sporova među potpisnicama i drugi detalje od značaja.

#### **Član 7.**

Svaka od potpisnica Sporazuma zadržava pravo prijave i realizacije naučno i tehničkih projekata i drugih aktivnosti samostalno ili sa nekom drugom institucijom koja nije potpisnica ovog Sporazuma.

#### **Član 8.**

Ovaj Sporazum se zaključuje na neodređeno vrijeme. Svaka od potpisnica pojedinačno može zahtjevati raskid (otkazivanje) Sporazuma uz obavezu da drugoj potpisnici podnese zahtjev najmanje 6 mjeseci ranije.

#### **Član 9.**

Potpisnice ovog Sporazuma saglasne su da će svoje preuzete obaveze maksimalno konkretno i profesionalno izvršavati, u skladu sa dobrim poslovnim običajima.

Potpisnice ovog Sporazuma su saglasne da sve eventualne nesporazume rješavaju dogovorom.

#### **Član 10.**

Ovaj Sporazum je sačinjen u četiri (4) istovjetna primjeraka od kojih svaka potpisnica zadržava po dva (2) primjerka.

**Član 11.**

Sporazum stupa na snagu danom potpisivanja od strane potpisnica.

**Javna ustanova  
"Centar za napredne tehnologije u  
Sarajevu"**

**direktor**

**mr. Ensar Mulasmanović, dipl.ing. maš.**

**Broj: 162-030/20  
Sarajevo, 21.7.2020.**



**Privredna /Gospodarska  
Komora FBiH**

**predsjednik**

**Mirsad Jašarspahić, dipl. ing. maš.**

**Broj: 01-011/20  
Sarajevo, 21.7.2020.**

